

CV de Braniemeekers

Lummel - Nazareth



Maag iech uuch veurstèlle aon de nuie Hoeglöstigheid vaan CV de Braniemeekers, dee euver 't Braniemeekersriek vaan Lummel & Nazareth zal goon regere:

Prins Roy 1e

In de börgeleke stand vaan Mestreech steit heer ingesjreve es;
Roy, Hubertina, Mathieu Beaumont



Heer zaog zien ierste levensleech op 5 fibberwarie 1980, in Mestreech.

Heer woende en greujde op in Biesland aon de Cannerweeg, same mèt Marjo zien mam en Mick ziene pap. Op de Athoslaan góng heer naor de bewaorsjaol "Stella Maris". Daornao 't VWO op 't Trichter College aon de Tongerseweeg. In 1999 vertrok heer nao 't boeteland um in Heerle aon de Hogeschool Zuyd de HBO opleiing Informatica Nètwérke te vollege.

In 2006 lierde heer zien vrouwke, Tamara Kesselaer, kinne en toen is de voonk veur good euvergeslage. In 2010 höbbe zie ziech 't jao-woord gegeve en in dat jaor is ouch hunne zoon Delano (7) gebore. Wie zie op zeuk góng naor 'n huiske um z'ch veurgoot te goon nètelle waar Lummel toch wel "the place to be". Ze kochte toen nao later bleek 'n prinselek pelies en woene sinds 2013, aon 't Sint Jan Baptistplein in Lummel.

In zien wèrkzame leve heet heer versjeije bäontsjes gehad.

Heer is begonne es aofwasser in de keuke vaan Bowlingcentrum Mestreech.

Daonao woort heer internet/telefonie installatäör en later manager bij Planhold BV.

Weer later woort heer verkoupmètwerker bij T for Telecom.

Weijer waar heer verkuiper en systeembeheerder bij Mediamarkt BV.

Tösse 2006 en 2015 waar heer Montäör vaan bowlingmachiene bij Bowlingexploitasie Mestreech.

Nao ziene veurluipeg lèste wisseling vaan de wach kouw heer terech bij VolkerWessels Telecom.

Iers es InHome montäör vaan KPN en sinds kort heet heer ziech opgewèrk tot Manager.



Ziene groetste hobby is bowlen. Sinds 1990 is heer dao hiel fanetiek in. Es jäggspeuler heet heer versjeije groete internationaal toernooje gewonne. Zien hoegtepunt bereikde heer in 1997 toen heer es jäggspeuler, Nederlands Kampioen woort. Twie keer heet heer mèt gedoon aon 'n Europees Kampioensjap mèt 't Nederlands bowlingteam, boe heer sjoen herinneringe aon euver heet gehawwe. Es senior späölde heer nog jaore op 't hoegste niveau in Nederland (Eredivisie). Noe wie 't vèt vaan de sóp aof is späölt heer allein nog in de plaotseleke competisie. Same mèt vrun organiseert heer 3 à 4 kier per jaor een LAN party. Dat zien biejeinkomste boe compjoeter leefhöbbers hunne compjoeter aanslete op 'n nètwerk um same te speule of informasie te deile.

Es Mestrechteneer is heer sjus wie us allemaol opgegereujd mèt de Mestreechter Vastelaovend.

Zien pap, Mick, woort in 1986 op zien wèrk oetgerope es Prins vaan 't Buize Febrik.

In de loup d'r jaore heet heer 't allemaol get vaan 'ne aofstand gevolleg. Meh, wie heer in Lummel kouw woene, kouw ouch de vastelaovend weer trök in zie leve. Zien vrouw en zeker ouch zien sjoenawwers zien vastelaovendsvierders in hart en nere. Ziene sjoenpa, Frans Ritz, is ein vaan zien illuustere veurgengers dee in 1990 es Prins Frans 2^e vaan de Braniemeekers woort oetgerope en nog altied zier betrokke is beij de vereniging. Noe hunne zoon, Delano, ouch de vastelaovend oontdék heet en raadslid gewoore is vaan CV de Braniemeekerkes, zien pap en mam weer hielemaal ingebörgerd.

Wie veer Roy vroogte of heer Lummel & Nazareth in 2018 veur zow wèlle goon in de sjoen, mer zwoer daog vaan vastelaovend, hoofde heer ziech same mèt zien vrouwke neet lang te bedinke.

Gegeve; 14 jannewarie 2018, door de Kanselieriraod vaan **CV de Braniemeekers**